



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

II. Epistola Encyclica commonitoria ad amnes Episcopos. 3. Decembris.

[urn:nbn:de:hbz:466:1-74696](#)

ANNO
1740.

Refectorii
judicis &
Constitutio-
nibus S. Se-
dis excludun-
tur.

Dat. Pont.
A. i. die 11.
Nov. 1740.

ut earundem præsentium transumis vel exemplis, etiam impressis, manu alicuius Notarii publici subscriptis, & sigillo Personæ in dignitate Ecclesiastica constitutæ munitis, ubique locorum, & Gentium eadem prorsus fides habetur, quæ haberetur ipsi præsentibus, si forent exhibite vel ostenta. Demum sciant omnes, vel palam, vel in corde adversantur Sedi Apostolice, Sanctæ Romanae Ecclesiæ judicis, & signanter Constitutioni *Unigenitus*, indignos esse, qui gratiam, & beneficium Jubilee participant. Datum Romæ apud S. Mariam Majorem sub Annulo Piscatoris die 11. mensis Nov. 1740. Pont. Nostri Anno I.

D. Card. *Passioneus.*

II.

Epistola Encyclica & Commonitoria ad omnes Episcopos.

Venerabilibus Fratribus Patriarchis, Primitibus, Archiepiscopis, & Episcopis.

BENEDICTUS PAPA XIV.

Venerabiles Fratres salutem, & Apo-
stolicam Benedictionem.

Procedit
A debito Pa-
storale Offi-
ciis.

UBI primùm placuit Deo, qui dives est in misericordia, humilitatem nostram in supremâ Beati Petri Sede collocare, & Vicariam Domini Nostri Jesu Christi potestatem Nobis, nullo quamvis meritorum suffragio suffulsa, ad universa Ecclesiæ sua gubernationem committere; auribus infonare nostris visa est Divina illa vox: *Pasce agnos meos: pasce oves meas:* injuncta videlicet Romano Pontifici, ejusdem Petri Successori, cura regendi, non modò Gregis Dominici agnos, qui sunt populi per totum terrarum Orbem diffusi, sed etiam oves, nimirum Episcopos, qui veluti agnorum matres, populos in Christo Jesu generant, iterumque parturunt. Pastoris igitur etiam vestri voces excipite, Fratres, per has nostras literas; & in partem sollicitudinis, cuius plenitudo commissa Nobis Divinitus est, vocati, intelligite ex ipsis admonitionibus, & cohortationibus nostris, quanta Nos premat cura non prætermittendi ea, que offici nostri sunt, quantaque itidem sit vis paternæ nostræ in vos charitatis, qua ad maximè optandum adducimur, ut de profectu sanctarum oviū fiant gaudia æterna Pastorum.

I. 1. In primis vero date operam, omnique studio, atque ope fatigite, ut morum integritas, & Divini cultus studium eluceat in Clero, utque Ecclesiastica Disciplina sarta testa serueretur, & ubi collapsa fuerit, redintegretur. Satis enim constat, nihil esse, quod omnem populum ad pietatem, religionem, & Christiana vitæ institutionem efficacius instruat, excitet, inflameret, quâm eorum exemplum, qui Divino se ministerio dedicarunt. Itaque in id mentis vestra acies primùm dirigenda est, ut cum accurato delectu ii Clericali militia adserbantur, a quibus merito possit expectari, ut iis in lege Domini ambulantibus, & de virtute in virtutem euntibus, eorum vita cunctis afferat venerationem, & eorum opera Ecclesiæ vestris spiritualem afferat utilitatem. Melius enim profectio est pauciores habere Ministros, sed probos, sed idoneos, atque utiles, quam plures, qui in edificationem Corporis Christi, quod est Ecclesia, nequicquam sint valituri. Quantam idcirco Episcoporum cautionem ea in re Sacri Canones requirant, non ignoratis Fratres; sed ab eorum norma, quæ omnino servari debet, ne patiamini vos abduci humano ullo respectu, vel importunitis ambientium suggestionibus, vel fautorum precibus. Apostoli vero præceptum, ut ne manus cuiquam nimis propere imponantur, tunc potissimum servari necesse est, ubi

de promovendis ad Sacros Ordines, & ad Sacra-
tissima Mysteria, quibus nihil est divinius,
agendum sit: Non enim sufficit actas, quæ per
Sacras Ecclesias leges unicuique Ordini præscri-
ta est, nec indiscriminatum omnibus, qui in
inferiori aliquo Ordine jam sint constituti, suo
quasi jure patere debet aditus ad sublimiorem;
sed studiosè, magnaque adhibita diligentia in-
vestigandam a vobis est, an eorum, qui priora
suscepserint ministeria, talis fuerit vivendi ratio;
& in sacris scientiis progressio, ut verè digni
judicandis sint, quibus dicatur: ascende superius:
cum alioquin expeditat in inferiori potius ali-
quos remanere gradu, quam cum suo majori
periculo, & aliorum scandalo ad altiorem
provehi.

I. 2. Et quoniam supra quam dici possit,
interessit eos, qui in fortè Domini vocantur,
ab ineunte ætate ad pietatem, morumque in-
tegritatem, & ad canonicam disciplinam, vel-
uti novellas plantationes in juventute sua, infor-
mari; cordi idcirco vobis esse debet, ut ubi for-
san nondum instituta fuerint Clericorum Semi-
naria, quam citissime instituantur, vel jam institu-
ta amplificentur, si majori Alumnorum numero
pro Ecclesiârū condizione opus sit, adhibitis in
eum finem mediis, quorum parandorum potestate
Episcopi jam sunt instructi, & quibus alia etiam,
si de eorum necessitate edocti a vobis fuerimus,
addituri & Nos sumus. Eadem verò Collegia sin-
gulari vestra solicitudine foveantur, necesse est,
videlicet ea saepe inviso, singulorum adœscen-
tientium vitam, indeolem, & in studiis prosectorum
explorando, Magistros idoneos, virosque Ec-
clesiastico spirito præditos ad eorum culturam
destinando, literarias ipsorum exercitationes,
five Ecclesiasticas functiones quandoque præ-
sentia vestra decorando, aliqua demum Bene-
ficia iis, qui virtutum suarum specimen clarius
præstiterint, majoremque laudem retulerint,
conferendo. Hujusmodi enim irrigationem ar-
busculis hisce, dum adolecent, ministrasse
non vos pœnitentibz, sed vestra opera latissimum
deinde vobis referat fructum in uberi bonorum
operariorum copia. Consueverunt quippe Epis-
copi saepius dolere messem quidem esse mul-
tam, operarios autem paucos: At fortasse eis
quoque dolendum est, non eam, quam de-
buerint, industriam ipsos adhibuisse, ut opera-
rii ad messem pares, aptique formarentur: bo-
ni namque, & strenui operarii non nascuntur,
sed fiunt; ut autem fiunt, ad Episcoporum fo-
liertiam, industriaque maximè pertinet.

I. 3. Sed & illud maximi momenti est, ut
ils animarum cura committatur, qui doctrina,
pietate, castis moribus, & illufribus bono-
rum operum exemplis ita aliis prælucere possint,
ut verè lux, & sal populi sint, & habeantur.
Hi nimirum præcipui adjutores vestri sunt in
grege vobis credito informando, regendo,
perpurgando, in viam salutis dirigendo, &
ad Christianas virtutes incitando. Ex quo pro-
num est intelligere quanti vestra etiam referat,
eos ad Parochiale officium obendum eligi,
qui ad fructuosam plebiū gubernationem me-
rito judicentur aptiores. In id vero potissimum
quoque incumbit, ut quicunque anima-
rum curam gerunt, diligenter, diebus saltē
Dominicis, aliisque festis de præcepto, plebes
sibi commissas, pro sua, & earum capacitate,
pascant salutaribus verbis, docenda ea, quæ
Christifideles ad salutem scire oportet, ac ex-
pliçando Divinae legis capita, Fidei dogma-
ta, & pueros ejusdem Fidei rudimentis im-
buendo, quacunque prava in contrarium con-
suetudine, ubicunque esset, prorsus sublata.
Quomodo enim audient sine prædicante? Aut
quomodo recte credendi, recteque agendi nor-
mam assiqui poterunt populi, si animarum cu-

ANNO
1740.

Seminaria
Clericorum
instituantur,
vel augen-
tur, ubi opus
fuerit.

Et ab Epi-
scopis saepe
visitentur.

Qualitates
eligendoru
ad Curam
Animarum.

Forumdem
Officiis, præ-
dicandi, &
catechizan-
di.

Episcopis
commendan-
tia in vitam
& honestatē
Clericorum.

Item Minis-
trorum Ec-
clesie dele-
tus;

Et cauta eo-
rum promo-
tio.

ANNO
1740.

Parochi &
Confessarii
exercitiis
spiritualibus
quotannis
incumbant.

Affidua Epi-
scopis resi-
dencia in
propriis Ec-
clesiis, vel
Dioecesiis,
incolatur.

Reprobatis
futilibus ab-
sentiis cau-
sis.

Visitatio
quoque Ec-
clesiarum, &
Dioecesum.

ratores in ejusmodi officio segnes, remissi, ac desideres fuerint? Quare non satis animo comprehendti, aut verbis explicari potest, quanta Christiana Reipublica pernicias impendeat ex eorum, quibus animarum cura demandata est, negligenter in pueris praesertim catechismo instruendis. Proderit autem plurimum, si studieritis, ut & qui curam animarum gerunt, & alii, qui ad poenitentium confessiones excipientes destinati sunt, per aliquot dies spiritualibus exercitiis, quotannis videntur: in eo quippe pro recesso renovabuntur spiritus mentis suae, & induentur virtute ex alto, ad ea impensis, alacriusque peragenda, que suarum partium sunt pro Divini Numinis gloria, & spirituali proximorum utilitate, & salute.

S. 4. Jam vero scitis, Fratres, Divino precepto mandatum esse omnibus animantium Pastoribus, oves suas agnoscere, eaque verbi Divini prædicatione, Sacramentorum administratione, ac bonorum omnium operum exemplo pascere; hisque, ac ceteris Pastoralis Officii munis satisfacere, ut par est, minime posse eos, qui gregi suo non invigilant, neque afflant, vineamque Domini, in qua positi sunt custodes, non custodiant affidue. Itaque in statione vestra maneat oportet, & personalem in Ecclesia vestra, vel Dioecesi, servetis residuum, ad quam ex vi munera vestri obligati estis, quemadmodum pluribus Generalium Conciliorum Decretis, & Prædecessorum nostrorum Constitutionibus luculentiter declaratum, præscriptumque est. Cavete autem, ne ex istis metibus esse Episcopis per tres Menses singulis annis pro libite, aut quacunque ex causa abesse. Ut enim hoc vere liceat Episcopis, constat habendum esse rationem, ut absentiam hujusmodi aqua requirat causa, simulque consilium sit, ne gregi detrimentum obveniat. Mementote autem Judicem futurum esse eum, cuius oculis omnia nuda, & aperta sunt, adeoque videte, ut causa talis vere sit, quæ probari jure possit supremo huic Pastorum Principi, a quo ovium vobis creditarum sanguis est quantocius requiriens: in quo quidem judicio, frustra Pastor contendere ea se excusatione tueri, quod lupus oves, absente se, ac inscio, abductas devoraverit: nam si res penitus inspicatur, satris apparet nullum prope malum, aut scandalum in Dioecesi sic destituta contingere, quod non sit ei adscriendum, cuius erat, subditos a recta semita deflectentes revocare monitus, allucere exemplis, voce confirmare, anctioritate, & charitate continere. Porro quis etiam non intelligat, multò satius esse negotia alibi per alios, ubi oportuerit, peragi, quam per se ipsum ab Episcopo extra Dioecesum suam morante; negotium vero omnium maximum custodiendi, & gubernandi gregis ab eo per se non per administratos curari? Sint enimvero quantumvis idonei, probatique Ministri, non tamen tamen eorum vocem sic solente audire oves, ut vocem veri sui Pastoris: nec vicariam illorum operam supplere satis vigilantiam, atque operam ipsius Episcopi, cui peculiaris Sancti Spiritus gratia ad id opitulatur, experientia abunde compertum est.

S. 5. Ad hæc, cum in omni etiam rei domesticæ cura nihil sit utilius, quam si ipsimet Paterfamilias omnia frequenter inspiciat, suaque vigilantia suorum industriam, & diligentiam alat, propterea vos monemus, &hortamur, Fratres, atque etiam vobis injungimus, ut Ecclesias, & Dioeceses vestras, (nisi gravis, ac legitima interveniat causa, qua alii id committi postulet) vos ipsi visitetis, vos ipsi oves vestras, & pecoris vestri vulnum agnoscatis. Formidinis sane, ac terroris plena est certissima illa sententia, quam supra memoravimus, non ad-

mitti Pastoris excusationem, si lupus oves comedit, & Pastor nec sit. Multa vero quidem ignorabit Episcopus, multa eum latebunt, vel saltem serius, quam oportet, intellegit, nisi ad omnes sua Dioecesis partes se conferat, & nisi per se ipsum ubique videat, ubique audiat, ubique exploret, quibus malis medicina facienda sit, & quanam fuerint eorum causa, quave ratione occurri etiam providenter queat, ne sublata reviviscant. Præterea cum ea sit humanae imbecillitatis conditio, ut in agro Dominico, cuius cultura commissa Episcopo est, sensim vepres, & spina, ac noxae, inutilesque herbae succrescant, certe nisi ad eas amputandas cultor crebro redeat, ille ipse nitor vigiliis ejus, laboribusque jam partus, progressu temporis deforescat. Sed neque etiam satis est lustrari a vobis Dioeceses, & oportunitis præceptionibus vestris curationi earum esse prospectum: restat & illud enix perficiendum a vobis, ut quae in visitationibus constituta fuerint, vere in effectum perducantur; nam legum eti optimarum utilitas nulla erit, nisi quod sanctum verbis est, re ipsa ab eis, ad quos pertinet, studiosè præstetur. Quapropter postquam ad animalium morbos expellendos, sive avertendos, salutaria paravistis medicamenta, non ideo sollicitudo vestra conquiescat oportet, sed traditorum a vobis præceptorum executio omni visitatione urgenda est; idque potissimum per iteratas visitationes estis assescuturi.

S. 6. Postremò, ut multa paucis complectamur, Fratres, in omni sacra, & Ecclesiastica functione, & in omni Divini cultus, ac pietatis exercitiis vos ipsos auctores, vos duces, vos magistros esse convenient, ut quasi de vestra sanctitatis splendori, tum Clerus, tum grex universus lumen hauriat, & charitatis vestrae igne incalescat. Itaque in tremendi Sacrificii frequenti, & devora oblatione, in solemní Missarum celebratione, in Sacramentis administrandis, in Divinis Officiis obeundis, in cultu, & nitione Templorum, in disciplina domus, & familie vestra, in pauperum amore, & ope eis ferenda, in ægris invisendis, & sublevandis, in peregrinis hospitio excipiendis, in omni denique Christiana virtutis opere estote vos forma gregis vestri, ut omnes imitatores vestri sint, sicut & vos Christi, quemadmodum decet Episcopos, quos Spiritus Sanctus posuit regere Ecclesiam Dei, quam acquisivit sanguine suo. Apostolos identidem respicie, in quorum successis locum, ut eorum vestigia sectemini in laboribus, in vigiliis, in ærumnis tolerandis, in arcendis lupis ab ovilibus vestris, in vitorum radicibus extirpandis, in Evangelica lege expponenda, in eis, qui erraverint, ad salutarem penitentiam reducendis. Aderit profecto vobis omnipotens, & misericors Deus, in quo nos confortante omnia possumus: Non deerit etiam vobis, ut plane confidimus, religiosorum Principium auxilium: Omnia insuper adjumenta parata vobis erunt ab hac Sancta Sede, quotiescumque nostra Apostolica Auctoritate opus esse censueritis. Magno itaque animo, magna que fidei venite ad Nos, qui vos cunctos, ut Fratres, & adjutores nostros, & coronam nostram amamus in visceribus Jesu Christi: Venite ad vestram, & omnium Ecclesiarum Matrem, Caput, & Magistrum, Sanctam Romanam Ecclesiam, unde Religionis origo manavit, ubi Fidei petra, ubi fons Sacerdotalis unitatis, ubi incorruptæ veritatis doctrina; nihil enim Nobis optatus, nihil iucundius esse potest, quam una vobiscum Dei glorie servire, & Catholicæ Fidei custodie, ac propagationi allaborare, atque animas salvas facere, pro quibus ipsum quoque sanguinem, & vitam nostram libertissime, si oportuerit, im-

pende-

ANNO
1740.

Atque ex-
ecutio
rum in Vi-
sitationibus
editorum.

Reliqua Epi-
scoporum Offi-
cia enumera-
tur, &
commenda-
tur.

Cum spe Di-
vinæ opis.

Et auxili
Principum
Christiano-
rum.

Et Pontifica
Auctoritatis,
cujus præ-
dictum omni-
bus exhibe-
tur.

ANNO
1740.
A. dicitur.
Adhortatio.

Dat. Pont.
A. 1. die 3.
Dec. 1740.

penderemus. Excitet vos demum, stimulosque currentibus vobis addat ingens, ac certa, quæ vos manet, remuneratio; nam cum apparuerit Princeps Pastorum, percipientis immarcescibilem gloriae coronam; coronam utique justitia, quæ deposita est fidelibus dispensatoribus Mysteriorum Dei, & strenuis, vigilibusque speculatoribus domus Israel, quæ est Sancta ipsius Dei Ecclesia. Ejus autem vices Nos, quamvis indigni, gerentes in terris, Fraternitatis vestris peramanter benedicimus, ne non Clero, ac populo vestro fideli, eandem Apostolicam Benedictionem nostram paterno affectu impertimur. Datum Roma apud Sanctam Mariam Majorem die 3. Decemb. 1740. Pontificatus Nostri Anno I.

III.

Abbreviatoribus de Parco Majori conceditur usus Redimiculi galeri, vulgo *Cordone*, coloris violacei, etiam dimissio Officio.

BENEDICTUS PAPA XIV.

Ad perpetuam rei memoriam.

Exordium
a Pontificia
munificentia.

MAXIMO ad labores alacriter subeundo, constanter perferendos, ac fideliter absolvendos incitamento semper fore eximiis viris meritos conferre honores, ipsa rerum magistra experientia edocit sapientissimi Principes familiarium potissimum Ministrorumque suorum optimum quemque in honore habere, ac præclaris honorum insignibus decorare studuerint, intelligentes etiam id & sibi decus magnum, & maximam in rebus agendis afferre securitatem. Nec minori sane providentia Romani Pontifices Prædecessores Nostri fese cum iis gesserunt, qui ad publicam Catholicæ Ecclesiæ utilitatem, & Apostolicæ Sedis dignitatem summa cum fidei, industria, prudentia, ac dexteritate laude assidue adlaborarent, ut alacrius sua eidem Sedi impenderent obsequia, & demandata munera studiosus obire satagerent.

S. 1. Hinc est quod Nos quoque ad egregia dilectorum Filiorum Majoris Præsidencia in Cancellaria nostra Apostolica Abbreviatorum, quos fel. rec. Sextus IV., Leo X., Paulus V., Urbanus VIII., Clemens X., & Benedictus XIII. Prædecessores Nostri variis prærogativis & privilegiis cumularunt, in Nos, & dictam Sedem fidei, & devotionis, aliaque multiplicia merita paternæ dirigentes considerationis intuitum, eorumque virtutem aliqua honoris prærogativa condecorare volentes, & eorum singulares personas a quibusvis Excommunicationis, suspensionis, & interdicti, aliquæ Ecclesiasticis censuris & penitentiis a jure vel ab homine quavis occasione vel causa latis, si quibus quomodolibet innodata existant, ad effectum præsentium dumtaxat consequendum, harum serie absolventes, & absolutas fore censemtes, motu proprio, & ex certa scientia, & mera liberalitate Nostris, deque Apostolica potestatis plenitudine, eisdem Majoris Præsidentie in Cancellaria Nostra Apostolica prædicta Abbreviatoribus præsentibus & futuris, ut ipsi omnes, & singuli Redimiculum galeri, *Cordone* vulgariter nuncupatum, coloris violacei, in quibusvis functionibus, & actibus publicis, ac privatis, ubique, etiam dimissio Officio hujusmodi, deferre, & gestare libere & liceat posse, & valeant, tenore præsentium concedimus & indulgemus.

S. 2. Decernentes easdem presentes Literas semper firmas, validas, & efficaces exstere & fore, suosque plenarios & integros

effectus sortiri & obtinere, ac illis, ad quos spectat, & pro tempore spectabit, in omnibus & per omnia plenissime suffragari, sive in præmissis per quoscumque Judices Ordinarios & Delegatos, etiam Caſarum Palatii Apostolici Auditores, ac S. R. E. Cardinales, etiam de Latere Legatos, & alios quolibet quacumque præminentia & potestate fungentes & functuros, sublata eis & eorum cuiilibet quavis aliter judicandi & interpretandi facultate, judicari & definiri debere, ac irritum & inane, si secus super his a quoquam quavis auctoritate scienter vel ignoranter contigerit attentari. Non obstantibus Constitutionibus, & Ordinationibus Apostolicis, ceterisque contrariis quibuscumque. Datum Roma apud S. Mariam Majorem sub Annulo Piscatoris 13. Septembris 1740. Pont. Nostri Anno I.

ANNO
1740.

Dat. die 13.
Sept. 1740.

D. Cardinalis Passioneus.

Congregationis pro Gubernio Civitatis Firmanæ ejusque Comitatus, ab Innocentio XII. erectæ, nova forma constituitur.

BENEDICTUS PAPA XIV.

Ad futuram rei memoriam.

Varia Privilegia Abbreviatoribus a Summis Pontificibus concessa.

Eisdem conceditur Redimiculum Galeri violaceum.

Eiam dimissio Officio.

Clavis &
preferentiæ,
& deroga-

Proemium.

Nemo est, qui non intelligat, quam sollicitate advigilare debeant Romani Pontifices, ut ea omnia, qua Prædecessores sui pro saluberrimo, non solum totius Status nostri Ecclesiastici, sed unicuique etiam Provincia, Civitas, & Oppidi, tam Spirituali, quam Temporali regime, post adhibitam omnem diligentiam, & matram deliberationem, statuenda esse censuerint, integerime serventur, & si aliqua ex parte traçtu temporis per desuetudinem, aut quacumque contrariam confutudinem non sine detimento, immutata esse constiterit, ut ad pristinum reducantur, novisque functionibus confirmetur: Ea propter Nos quoque præcipuum munus nostrum esse ducimus, ut nostra in hoc potissimum studia desiderari minime patientes, Apostolicæ etiam auctoritatis nostræ partes colloccemus.

S. 1. Exponi siquidem Nobis nuper fecerunt Dilecti Filii Communitas, & Homines Civitatis Nostræ Firmanæ, quod inter cetera Indulta, & Privilegia, quibus, ut asseritur, Civitas ipsa Firmanæ a fel. record. Eugenio PP. IV. Prædecessore Nostro decorata fuit, illud etiam continebatur, ut Gubernatoris, & Judicis priuati Civitatis prædictæ munus a Cardinali pro tempore Summi Pontificis Nepote, vulgo Cardinali Patrone nuncupato, obiretur, quemadmodum usque ad tempora rec. mem. Innocentii PP. XII. Prædecessoris itidem Nostri factum fuerit. Postquam autem ipse Innocentius Prædecessor Cardinalis Patroni titulum, & auctoritatem sustulit, & pro rebus, negotiisque ejusdem Civitatis Firmanæ, illiusque Comitatus peragendis, Congregationem, qua ex Cardinali a Secretis Status Ecclesiastici prædicti, & aliquot Romanæ Curiae Prælati constabat, instituit, cum facultatis eisdem, quibus Congregatio Venetiarum Fratrum Nostrorum Sanctæ Romanæ Ecclesie Cardinalium super Consultationibus Civitatum, Terrarum, & Locorum ejusdem Status Nostri Ecclesiastici deputatorum erecta fuit, ut ex particula Apostolicarum ipsius Innocentii Prædecessoris in simili forma Brevis litterarum in forma Motus Proprii die 3. Januarii MDCXCIII. expeditarum uberioris colligitur, quæ particula est tenoris sequentis: *Cum itaque Nos alias, nempe in ipsis Pontificatus Nostri primordiis,*

Eugenius IV.
Gubernium
Civitatis
Firmanæ
Cardinali
pro tempore
Patrono pri-
uati con-
cessit.

Innoc. XII.
pro ejusdem
Civitatis &
Comitatus
negotiis spe-
ciali Comi-
tatem Con-
gregacionem
instituit.